

Laporan Kewangan Rakyat merupakan penjenamaan semula bagi Laporan Laksana yang diterbitkan oleh Kementerian Kewangan secara mingguan sejak April 2020.



*YB Tengku Datuk Seri Utama Zafrul Aziz
Bersama Keluarga Malaysia (Pengunjung & Pekerja RELA) di
Kenduri Rakyat di Kuala Selangor
6 Jun 2022*

YB TENGKU DATUK SERI UTAMA ZAFRUL AZIZ Menteri Kewangan Malaysia

Ulasan Isu Semasa

Kenali Penerima Manfaat Minggu Ini

Pengekalan & Penjanaan Pekerjaan

Pemeriksaan Perniagaan

Inisiatif - Inisiatif Lain

LAPORAN
Ke-102

7 Julai 2022

JAWATANKUASA DASAR MONETARI MENGIMBANGI PELBAGAI ASPEK EKONOMI DAN KEWANGAN DALAM PENETAPAN KADAR FAEDAH SEMALAMAN

Baru-baru ini, Jawatankuasa Dasar Monetari Bank Negara Malaysia telah membuat keputusan untuk menaikkan Kadar Dasar Semalaman yang lebih dikenali sebagai Overnight Policy Rate atau OPR sebanyak 25 mata asas kepada 2.25 peratus.

Dasar monetari negara diuruskan secara bebas oleh Bank Negara Malaysia tanpa campur tangan Kerajaan Persekutuan. Ini termasuk keputusan-keputusan sebelum ini, serta yang terkini untuk menaikkan atau menurunkan OPR. Kebebasan ini termaktub dalam Akta Bank Negara Malaysia 2009 (CBA 2009). Ini bermakna, Kerajaan tidak boleh mengarah Bank Negara untuk menaikkan atau menurunkan OPR. Sebaliknya, Bank Negara, melalui Jawatankuasa Dasar Monetari sendiri yang memutuskan kesesuaian OPR berdasarkan penilaian mereka.

Secara amnya, antara faktor yang diambil kira oleh Jawatankuasa Dasar Monetari adalah keadaan ekonomi global, prospek pertumbuhan ekonomi tempatan, pasaran kerja, kadar pengangguran, tekanan inflasi serta aktiviti pelaburan.

Keputusan BNM untuk menaikkan OPR baru-baru ini dibuat dengan mengambil kira tekanan inflasi yang terus meningkat sehingga 2.8% pada Mei 2022 berikutan tekanan inflasi yang dihadapi oleh seluruh dunia. Umum diketahui, fenomena ini diakibatkan oleh perkembangan harga komoditi global yang disebabkan oleh konflik ketenteraan yang berterusan di Ukraine, serta gangguan berkaitan bekalan yang berlarutan.

Keputusan BNM ini juga adalah untuk mengekang aliran keluar pelaburan dari negara, yang akan menyebabkan kejatuhan Ringgit yang lebih teruk. Kita dapat lihat perbezaan kadar faedah antara Malaysia dan Amerika Syarikat yang terus mengecil. Sekiranya OPR kekal, sudah pasti para pelabur akan mengalihkan pelaburan mereka ke sana.

Kenaikan ini juga harus dinilai dengan mengambil kira perkembangan terkini serantau dan juga kadar historik OPR. Setakat ini, kadar 2.25% adalah lebih rendah berbanding kadar OPR negara sebelum COVID-19 melanda, iaitu sekitar 3 - 3.1%.

Jika kita lihat melalui perspektif dunia, disebabkan tekanan inflasi, bank-bank pusat telah membuat pelarasan dasar monetari mereka bagi mengurangkan kesan tersebut. Malah, sesetengah bank pusat terpaksa melakukannya pada kadar yang lebih cepat.

Walaupun OPR Malaysia telah naik 50 mata asas sejak awal tahun ini, negara lain telah melihat kadar faedah mereka meningkat sebanyak:

- a. Amerika Syarikat - 150 mata asas
- b. New Zealand - 125 mata asas
- c. UK - 100 mata asas
- d. Korea Selatan - 75 mata asas
- e. India - 90 mata asas
- f. Filipina - 50 mata asas

Menurut Bloomberg, lebih dari enam puluh (60) bank pusat di dunia telah meningkatkan kadar faedah mereka sebanyak 50 mata asas atau lebih sekaligus pada tahun ini.

Kerajaan akan meneruskan inisiatif-inisiatif untuk membantu rakyat seperti Bantuan Keluarga Malaysia bernilai RM8 bilion yang memanfaatkan 12.6 juta rakyat Malaysia. Kerajaan juga akan terus menyalurkan subsidi untuk mengurangkan kos sara hidup. Subsidi untuk tahun ini sahaja dijangkakan hampir RM80 bilion ringgit.

Kita juga ada inisiatif Semarak Niaga yang menyediakan dana RM40 bilion untuk para usahawan termasuklah peniaga-peniaga kecil.

Kerajaan juga, melalui NACCOL dan juga Pasukan Khas Jihad untuk menangani inflasi akan terus memperhalusi bantuan dan dasar-dasar yang akan dapat mengurangkan beban kenaikan kos sara hidup.

BAJET 2022 - KELUARGA MALAYSIA, MAKMUR SEJAHTERA

Secara keseluruhan, sehingga April 2022, 257 daripada 282 inisiatif strategik yang dipantau oleh Jawatankuasa Pemantauan Bajet 2022 telah mula dilaksanakan dengan baki 25 inisiatif lagi akan dilancarkan pada separuh kedua tahun ini. Ini adalah komitmen Kerajaan ke arah pemulihan ekonomi yang kukuh yang bertemakan Keluarga Malaysia, Makmur Sejahtera dengan memfokuskan kepada tiga matlamat iaitu Kesejahteraan Rakyat, Perniagaan yang Berdaya Tahan dan Ekonomi yang Makmur dan Mampan.

Untuk membantu para usahawan, inisiatif Semarak Niaga disediakan bagi pembiayaan dan jaminan bernilai lebih RM40 bilion bagi menyokong pemulihan dan membina semula kapasiti serta daya saing perniagaan.

Bagi usahawan PMKS pula terdapat lebih daripada 70 program bantuan perniagaan dengan nilai lebih kurang RM1.8 bilion bagi memperkasa perniagaan yang boleh dipohon mengikut kesesuaian. Sehingga Mei 2022, SemarakNiaga telah memanfaatkan lebih 45,000 perniagaan.

Antara inisiatif lain untuk usahawan yang boleh dipohon ialah:

1. Program Usahawan Lepasn Institusi Pendidikan MARA dan Belia;
2. Program Pembangunan Usahawan Teknikal (PUTEK);
3. Skim DanaNita di bawah MARA;
4. Skin TekuNITA di bawah TEKUN;
5. Skim Pembangunan Usahawan Masyarakat India (SPUMI) di bawah TEKUN; dan
6. Program Pembangunan Usahawan Profesional (ProSPEC).

Di samping itu, inisiatif lain yang disediakan ialah JaminKerja Keluarga Malaysia. Matlamat Kerajaan adalah untuk menyediakan 600,000 peluang pekerjaan dengan peruntukan RM4.8 bilion. Sehingga Jun 2022, lebih daripada 150,000 rakyat telah mendapat pekerjaan. Antara kayu ukur kejayaan inisiatif penyediaan peluang pekerjaan sudah tentunya kadar pengangguran negara. Semasa pandemik, kadar pengangguran memuncak sehingga 5.3% pada Mei 2020. Sasaran Kerajaan untuk kadar pengangguran di Malaysia tahun ini ialah 4% dan sekarang kadar pengangguran bagi bulan Mei 2022 telahpun turun ke 3.9%. Ini bermakna inisiatif yang diperkenalkan oleh Kerajaan telah pun menunjukkan impaknya.

Bantuan-bantuan lain yang disediakan untuk rakyat juga termasuk inisiatif Bantuan Keluarga Malaysia yang bernilai RM8 bilion dan dimanfaatkan oleh 12.6 juta Keluarga Malaysia dan bantuan e-Pemula yang bernilai RM260 juta dan telahpun disalurkan kepada 1.7 juta belia yang telah menerima RM150 seorang.

Untuk maklumat lanjut layari <https://budget.mof.gov.my/manfaat/>

HARAPAN BARU UNTUK RAKYAT MELALUI BAJET 2023

Seperti yang semua sedia maklum, tema Bajet 2023 ialah Memperkukuh Pemulihan, Memudah Cara Pembaharuan ke arah Kemampanan Daya Tahan Ekonomi dan Kesejahteraan Keluarga Malaysia. Fokus kita masih kepada Rakyat, Perniagaan dan Ekonomi.

Walaupun Bajet 2023 hanya akan dibentangkan pada hujung tahun ini, Kementerian Kewangan telahpun memulakan proses libat urus bagi mendapatkan maklumbalas rakyat. Kerajaan sentiasa komited untuk terus meningkatkan ketelusan proses penyediaan Bajet dan menggalakkan penyertaan orang ramai.

Proses Bajet 2023 telah dimulakan dengan pengeluaran Kenyataan Pra-Bajet 2023 (KPB) yang dikeluarkan pada 3 Jun 2022 yang lalu. KPB bertujuan untuk memastikan rakyat tahu apa keutamaan Kerajaan untuk bajet tahun depan.

Malahan, Kementerian Kewangan juga telah meminta persatuan industri, dewan perniagaan, dan pelbagai NGO memberikan cadangan tentang aspek yang perlu diambilkira dalam Bajet 2023.

Seperti tahun lepas, MoF juga akan mengeluarkan kertas rundingan awam mengenai langkah dasar Bajet 2023 yang dirancang untuk maklum balas orang ramai.

Seterusnya, Kementerian Kewangan akan turun padang melalui program Jelajah Bajet ke seluruh Malaysia untuk berjumpa rakyat untuk berdialog dan melihat sendiri keadaan dan keperluan rakyat.

Kesimpulannya, Bajet 2023 akan meneruskan momentum pemulihan semasa dan memberi penekanan kepada pembaharuan struktur dan pengukuhan daya tahan ekonomi.

JUMLAH PENGANGGUR TERUS MENURUN KEPADA 637.7 RIBU ORANG DENGAN KADAR PENGANGGURAN 3.9%

Menurut Jabatan Perangkaan Malaysia, jumlah penganggur pada bulan Mei iaitu 637,700 orang iaitu penurunan berbanding bulan April seramai 649,300 orang. Kadar pengangguran kekal pada 3.9% sepertimana bulan April.

Jumlah rakyat yang bekerja pada bulan Mei 2022 pula ialah 15.9 juta dengan pecahan 76.2% bekerja dengan syarikat, 17.3% bekerja sendiri, 3.4% adalah majikan dan 3.2% yang bekerja dengan keluarga tanpa gaji.

Di samping itu, jumlah penganggur aktif yang giat mencari kerja adalah seramai 534 ribu orang. Untuk mereka yang memerlukan pekerjaan boleh layari <https://budget.mof.gov.my/manfaat/faq/mystep.html> dan berdaftar dengan MyStep, latihan & penempatan jangka pendek di sektor awam / GLC dan rakan strategik di bawah Bajet 2022.

MALAYSIA TERBUKA UNTUK PELABURAN ASING

Kejayaan Program Imunisasi COVID-19 Kebangsaan yang telah berjaya membawa Malaysia beralih ke fasa endemik dan kepelbagaian peluang ekonomi yang lebih baik daripada era sebelum pandemik merupakan pelaburan yang amat menarik kepada para pelabur.

Kesemua itu telah menjadikan negara lebih dari bersedia dan terbuka untuk menjalinkan hubungan dagang untuk menerajui usaha pemulihan pasca pandemik dan menyusun hala tuju ekonomi Malaysia untuk tahun mendatang.

Malaysia terbuka untuk pelaburan asing bagi melakarkan laluan pemulihan inklusif dan sistematik yang akan melonjakkan Malaysia ke tahap lebih tinggi supaya negara bangkit semula, lebih kuat berbanding sebelum pandemik.

Ini kerana Malaysia mempunyai ekosistem yang lengkap seperti institusi yang kukuh, ekonomi yang stabil, infrastruktur fizikal bertaraf dunia, infrastruktur digital yang sedang dinaiktaraf, dasar cukai yang mesra perniagaan, Kerajaan yang pro kepada pelaburan dan jumlah pekerja yang berpendidikan tinggi dan mahir yang tinggi.

KENALI PENERIMA MANFAAT MINGGU INI

PENERIMA BANTUAN PERNIAGAAN SEMARAKNIAGA MENGORAK LANGKAH PASCA-PANDEMIK



Pasangan suami isteri iaitu Encik Muhammad Huzaifi Al-Madani bin Abdul Ahad dan Puan Nur Aina binti Usman mengusahakan kedai bahan mentah atau Perniagaan Al-Madani Enterprise sebelum Pandemik COVID-19 melanda negara. Disebabkan Perintah Kawalan Pergerakan (PKP) maka jualan kedai mereka menurun. Namun demikian perkara ini tidak melunturkan semangat mereka.

Mereka cekap mengintai peluang, dan dari hanya mengharapkan jualan dari kedai mereka mula membuat servis penghantaran bahan mentah dari rumah ke rumah ketika PKP.

Mereka mengetahui tentang pelbagai bantuan perniagaan di bawah inisiatif SemarakNiaga Bajet 2022 dan mengambil kesempatan untuk memohon dana yang disediakan. Mereka berjaya mendapat pembiayaan Bank Islam di bawah program i-Tekad, BSN di bawah Micro-i Semarak dan juga Tekun Nasional. Dengan bantuan inilah perniagaan mereka berkembang dan mereka berjaya menambah modal untuk mengembangkan perniagaan kedai pakaian sekolah pula.

Untuk usahawan-usahawan yang lain, ambillah semangat pasangan suami isteri ini untuk meneruskan perniagaan anda. Sebagai usahawan sentiasa jadikan halangan sebagai peluang.

MALAYSIA SHORT-TERM EMPLOYMENT
PROGRAMME (MYSTEP)

BAJET 2022

MYSTEP PENGENALAN | PERMOHONAN | INFO

**PELUANG PEKERJAAN
UNTUK KELUARGA MALAYSIA**

MOHON DI SINI

Di bawah Bajet 2022, MySTEP menawarkan 80,000 peluang pekerjaan secara kontrak merangkumi 50,000 pekerjaan dalam sektor awam dan 30,000 pekerjaan dalam GLC dan rakan-rakan strategik mulai Januari 2022. Pemohon MySTEP tersebut akan ditempatkan di pelbagai Kementerian dan Agensi seperti Kementerian Kewangan, Kementerian Pengajian Tinggi, Suruhanjaya Perkhidmatan Awam dan Suruhanjaya Pencegah Rasuah Malaysia. Bagi GLC pula, permohonan telah ditempatkan di organisasi seperti PETRONAS, Permodalan Nasional Berhad, KWSP dan Khazanah Nasional.

Pada tahun lepas, MySTEP telah berjaya mencapai sasaran keseluruhan 50,000 peluang pekerjaan bagi tahun 2021 dengan menempatkan seramai 63,221 peserta. Dari jumlah ini, seramai 41,680 peserta telah berjaya ditempatkan di sektor awam manakala 21,541 peserta pula ditempatkan di GLC dan rakan-rakan strategik mereka. Bagi tahun ini pula **setakat 24 Jun 2022**, seramai **25,965 peserta** telah berjaya ditempatkan melalui program ini. Daripada jumlah ini, seramai **15,939 orang** peserta telah ditempatkan di sektor awam manakala **10,026 orang** peserta pula berjaya ditempatkan di GLC dan rakan-rakan strategik mereka.

Bagi memastikan tempat buat anak muda OKU menceburi bidang pekerjaan, Kerajaan juga telah menyediakan kuota khas sebanyak 1% atau 800 peluang penempatan untuk program MySTEP kepada golongan OKU. Kerajaan amat menggalakkan agar warga OKU turut mengambil kesempatan ini dan memohon penyertaan melalui Portal MySTEP di pautan <https://mystep.mof.gov.my>. Untuk maklumat lanjut berhubung MySTEP atau inisiatif Kerajaan lain, sila layari Laman Rasmi Bajet 2022 Kementerian Kewangan di pautan <https://budget.mof.gov.my/manfaat/>

SPS PADANAN CARUMAN

Kerajaan telah menyediakan bantuan padanan caruman sebanyak 80% di bawah Pelan 2 (RM232.80) di mana hanya 20% (RM46.60) sahaja perlu dibayar oleh kumpulan sasaran Orang Bekerja Sendiri (OBS). Kumpulan sasar di bawah SPS Padanan Caruman ini dikhususkan kepada lapan kategori berikut:

Kumpulan Sasaran OBS	
SPS Asal	<ul style="list-style-type: none">• Orang Asli (Semenanjung)• Orang Asal (Sabah dan Sarawak) yang bekerja di bawah 20 sektor
SPS Gig	Orang yang bekerja sendiri menggunakan aplikasi digital di bawah syarikat pengantara di bawah 20 sektor
SPS Jaja	Sektor Penjaja (Pasar, Gerai/ Kiosk dan Food Truck)
SPS Lain Upaya	Orang Kurang Upaya yang Bekerja sendiri di bawah 20 sektor
SPS Lancong	Sektor Pelancongan termasuklah homestay, ejen pelancongan dan sebagainya
SPS Seni	Sektor kesenian yang terdiri daripada artis, penyanyi, pelakon, penari, kru produksi, kraftangan, pelukis dan sebagainya
SPS Tani	Sektor Pertanian, Sektor Perikanan (termasuk akuakultur), Sektor Penternakan dan Sektor Perhutanan
SPS Usahawanita	Wanita yang bekerja di bawah 20 sektor

Manakala berikut merupakan 20 sektor yang dilindungi di bawah Skim Keselamatan Sosial Pekerjaan Sendiri:

Pengangkutan Penumpang	Pengangkutan dan Penghantar Barangan
Pertanian	Penternakan
Perhutanan	Perikanan
Pembuatan	Makanan
Penjaja	Pembinaan
Perniagaan Dalam Talian	Premis Penginapan
Pemprosesan Data	Teknologi Maklumat
Perkhidmatan Profesional	Ejen
Kesenian	Perkhidmatan Sokongan
Sektor Penjagaan, Perawatan dan Pemulihan Kesihatan	Perkhidmatan Isi Rumah

Setakat 26 Jun 2022, sebanyak **171,801 OBS** telah pun mencarum dengan jumlah kutipan keseluruhan sebanyak **RM39.995 juta**. Untuk maklumat lanjut, sila layari <https://budget.mof.gov.my/manfaat/en/faq/sps-padanancaruman.html>

SKIM PERLINDUNGAN SOSIAL KHIDMAT

Kerajaan melalui Pertubuhan Keselamatan Sosial (PERKESO) juga menyediakan bantuan penuh caruman di mana pembiayaan caruman sepenuhnya (100%) di bawah Pelan Caruman 2 dan 4 dengan tempoh perlindungan selama 12 bulan kepada Orang Bekerja Sendiri (OBS). Di bawah inisiatif ini, kumpulan sasar yang dikhususkan kepada 4 kategori pekerja iaitu Anggota Pasukan Sukarelawan, Perkhidmatan Rumah Ibadat Islam (JAKIM), Penyelia dan Petugas Pemulihan Komuniti dan Anggota Sektor Awam.

Perkara	Pelan Caruman 2 (RM232.80 setahun)	Pelan Caruman 4 (RM592.80 setahun)
Sumbangan Kerajaan	100%	
Faedah Perubatan	Rawatan perubatan di klinik panel/ hospital kerajaan PERKESO dan membuat tuntutan penggantian perbelanjaan yang dikeluarkan	
Faedah Hilang Upaya Sementara (HUS)	Rawatan perubatan di klinik panel/ hospital kerajaan PERKESO dan membuat tuntutan penggantian perbelanjaan yang dikeluarkan	

Permohonan individu boleh dibuat melalui agensi pentadbiran masing-masing manakala permohonan secara pukal perlu dikemukakan kepada bahagian SPS PERKESO melalui sps@faedah@perkeso.gov.my untuk proses pendaftaran lanjut. **Setakat 19 Jun 2022**, sebanyak **44,869 OBS** telah mencarum bagi skim ini dengan nilai kutipan sebanyak **RM10.979 juta**. Untuk maklumat lanjut, sila layari <https://budget.mof.gov.my/manfaat/en/faq/sps-khidmat.html>


PROGRAM RESKILLING AND UPSKILLING VETERAN ANGKATAN TENTERA MALAYSIA (PRUV-ATM)

Kerajaan telah memperuntukkan sebanyak RM15 juta di bawah Bajet 2022 bagi Program Peningkatan Kemahiran dan Latihan Semula khusus untuk pesara tentera melalui Perbadanan Hal Ehwal Bekas Angkatan Tentera (PERHEBAT). Program ini dilaksanakan untuk menambahbaik status sosio-ekonomi veteran di mana veteran akan dilatih untuk meningkatkan pengetahuan dan kemahiran dimiliki bagi sektor pekerjaan dan keusahawanan yang diceburi.

Veteran Angkatan Tentera Malaysia (ATM) yang layak memohon ialah veteran yang telah menjalani Latihan Peralihan antara tahun 2015 hingga 2021. **Sehingga 17 Jun 2022**, sebanyak **8,736 veteran ATM** ini telah memanfaatkan program ini. Untuk maklumat lanjut, sila layari <https://budget.mof.gov.my/manfaat/faq/pruv-atm.html>

PROGRAM SUBSIDI UPAH 1.0 (PSU 1.0)

Di bawah Pakej PRIHATIN, Program Subsidi Upah (PSU) adalah bantuan kewangan yang dibayar kepada majikan setiap perusahaan bagi setiap pekerja tempatan yang bergaji RM4,000 dan ke bawah. Subsidi sehingga RM1,200 sebulan tersebut akan diberikan untuk tempoh 3 bulan bagi membantu majikan yang terkesan dari segi ekonomi akibat COVID-19 supaya dapat meneruskan operasi syarikat serta mengelakkan pekerja hilang pekerjaan dan punca pendapatan. Program tersebut dilanjutkan untuk 3 bulan tambahan di bawah Pakej PENJANA dan secara keseluruhannya, subsidi yang diberikan kepada majikan adalah untuk tempoh 6 bulan. **Setakat 24 Jun 2022**, seramai **322,177 majikan** dan **2.64 juta pekerja** telah menerima manfaat PSU di bawah PRIHATIN dan PENJANA di mana permohonan subsidi upah yang diluluskan telahpun mencapai nilai **RM12.958 bilion**.




*Jumlah kumulatif

*Jumlah majikan dan pekerja kekal pada takat maksima. Namun, pembayaran dibuat secara berfasa dan berterusan untuk memastikan bahawa hanya perusahaan yang layak sahaja menerima subsidi tersebut

PROGRAM SUBSIDI UPAH 2.0 (PSU 2.0)


Di bawah Pakej Kita PRIHATIN pula, bantuan subsidi upah tersebut dilanjutkan untuk 3 bulan tambahan bagi majikan sedia ada yang menerima PSU manakala bantuan PSU selama 6 bulan diberikan kepada semua permohonan antara 1 Oktober 2020 hingga 31 Disember 2020. **Setakat 24 Jun 2022**, sejumlah **RM1.408 bilion** telah disalurkan kepada **81,158 majikan** untuk terus beroperasi dan mengekalkan penggajian bagi **719,024 pekerja**.



*Jumlah kumulatif

PROGRAM SUBSIDI UPAH 3.0 (PSU 3.0)

Di bawah Belanjawan 2021 dengan peruntukan sebanyak RM1.5 bilion, Kerajaan telah melanjutkan pelaksanaan PSU selama 3 bulan lagi dengan lebih bersasar, khususnya bagi sektor pelancongan termasuk sektor peruncitan dengan kadar RM600 sebulan bagi pekerja bergaji RM4,000 dan ke bawah. **Setakat 24 Jun 2022**, sebanyak **RM3.766 bilion** telah disalurkan kepada **162,307 majikan** untuk mengekalkan penggajian bagi **1,527,825 pekerja**. PSU 3.0 turut ditambahbaik dengan Pakej Bantuan PERMAI, PEMERKASA dan PEMERKASA+ seperti berikut:




*Jumlah kumulatif

PSU 3.0 turut ditambahbaik dengan Pakej Bantuan PERMAI, PEMERKASA dan PEMERKASA+ seperti berikut:

Peruntukan	Tarikh Permohonan	Sektor Sasaran	Tempoh Subsidi Upah
Belanjawan 2021 (PSU 3.0 Bersasar)	1 Januari 2021 - 30 Jun 2021	Sektor Pelancongan & Runcit	3 bulan tambahan bagi majikan sedia ada 6 bulan bagi permohonan baru
PSU 3.0 PERMAI	19 Januari 2021 - 30 Jun 2021	Semua sektor di negeri PKP	1 bulan sahaja
PEMERKASA (PSU 3.0 PEMERKASA)	1 April 2021 - 30 Jun 2021	Sektor Pelancongan & Runcit Serta Perniagaan lain yang ditutup semasa PKP 2.0	3 bulan tambahan bagi majikan sedia ada dan baru
PEMERKASA+	1 Jun 2021 - 31 Julai 2021	Semua Sektor	1 bulan tambahan bagi majikan sedia ada dan baru


PROGRAM SUBSIDI UPAH 4.0 (PSU 4.0)

Di bawah Pakej PEMULIH pula, Kerajaan telah melaksanakan PSU 4.0 dengan peruntukan sebanyak RM3.8 bilion yang dijangka memanfaatkan 2.5 juta pekerja. Melalui PSU 4.0, Kerajaan akan menampung sehingga 500 pekerja bagi setiap majikan dengan kadar sebanyak RM600 setiap pekerja selama tempoh empat bulan, iaitu 2 bulan bagi semua sektor dalam fasa kedua PPN dan dua bulan seterusnya khusus bagi sektor-sektor yang dikategorikan dalam senarai negatif semasa tempoh fasa ketiga nanti. Had gaji RM4,000 juga telah dilonggarkan yang membolehkan majikan untuk memohon PSU 4.0 bagi pekerjanya yang bergaji lebih dari RM4,000. **Setakat 24 Jun 2022**, sebanyak **RM2.560 bilion** telah disalurkan kepada **163,649 majikan** untuk terus beroperasi dan mengekalkan penggajian bagi **1,919,258 pekerja**.



PROGRAM SUBSIDI UPAH 5.0 (PSU 5.0)

Dengan peruntukan sebanyak RM600 juta di bawah Bajet 2022, Kerajaan melalui PERKESO akan meneruskan pelaksanaan Program Subsidi Upah bersasar kepada pengusaha pelancongan yang mengalami penurunan pendapatan sekurang-kurangnya 30% daripada jumlah jualan atau pendapatan pada bulan Oktober 2021 sehingga Disember 2021 berbanding mana-mana bulan pada tahun 2019 sehingga 2021 sebelum penularan wabak COVID-19. Permohonan telahpun dibuka sejak 1 Januari 2022 sehingga 31 Mac 2022 namun majikan dari sektor yang tidak tersenarai tetapi masih terjejas akibat penularan COVID-19 masih boleh mengemukakan rayuan secara atas talian kepada PERKESO. **Setakat 24 Jun 2022**, sebanyak **RM186.525 juta** telah disalurkan kepada **7,507 majikan** untuk terus beroperasi dan mengekalkan penggajian bagi **106,519 pekerja**. Untuk maklumat lanjut, sila layari <https://www.perkeso.gov.my/bajet-2022/sip-bajet-2022.html>.










Secara keseluruhannya, Kerajaan telah menyalurkan sebanyak **RM20.879 bilion** kepada **357,887 majikan** melalui Program Subsidi Upah bagi mengekalkan penggajian **2,957,917 pekerja tempatan** dalam usaha untuk mengurangkan kadar pengangguran dalam kalangan pekerja warganegara Malaysia.

PROTÉGÉ READY-TO-WORK

Professional Training and Education for Growing Entrepreneurs (PROTÉGÉ) merupakan inisiatif Kerajaan melalui Kementerian Pembangunan Usahawan dan Koperasi (MEDAC) untuk melaksanakan program-program peningkatan kebolehpasaran dan memupuk kemahiran keusahawanan dalam kalangan graduan. Antara program-program yang dianjurkan oleh PROTÉGÉ adalah Program Protégé Ready-to-Work yang menyediakan peluang penempatan latihan selama 8 hingga 12 bulan di syarikat yang mengambil bahagian dalam program ini seperti Syarikat Berkaitan Kerajaan (GLC) serta syarikat-syarikat penerima perolehan Kerajaan di bawah Pekeliling Perbendaharaan (PK1.2). Program ini juga menawarkan modul latihan berkaitan keusahawanan untuk memupuk semangat keusahawanan di kalangan graduan. Pada tahun lepas, sebanyak **4,611 graduan** telah berjaya ditempatkan melalui program Ready-to-work manakala tahun ini adalah sebanyak **4,053 graduan** baharu telah pun ditempatkan bagi tahun ini **setakat 17 Jun 2022**. Untuk maklumat lanjut, sila layari laman web PROTEGE di <http://protege.gov.my/www/index.php>

PROGRAM KEMAHIRAN DAN PENINGKATAN KEMAHIRAN PENJANA

Pada tahun lepas, seramai **151,505 peserta** telah diluluskan untuk mengambil bahagian dalam program-program yang disediakan. Senarai kursus-kursus yang mendapat permintaan boleh dilihat melalui pautan Kementerian Kewangan. Selain itu, pemohon juga boleh layari laman sesawang agensi-agensi Kerajaan seperti yang dimaklumkan di dalam laporan bertulis, untuk mendapatkan maklumat mengenai kursus-kursus yang ditawarkan. Bagi mereka yang sedang mencari pekerjaan terutamanya golongan belia, anda semua dijemput menyertai kursus-kursus ini.

Kementerian/Agensi	Program / Skim / Inisiatif				
 Pembangunan Sumber Manusia Berhad (PSMB) <i>(www.penjanahrdf.com.my)</i>	SME Development	Industrial Revolution 4.0 (IREV4.0)	Place & Train	Gerak Insan Gemilang (GIG)	B40 Development
 Kementerian Pembangunan, Usahawan dan Koperasi (MEDAC) <i>(https://www.medac.gov.my)</i>	INSKEN Business Training	Program Mikro Connector			
 Majlis Amanah Rakyat (MARA) <i>(http://penjana.mara.gov.my/)</i>	Modul Khas Penjagaan Kesihatan dan Keselamatan Kebiasaan Baharu	Building Internal Entrepreneur Capabilities by Engaging e-Commerce Bespoke Programme (e-entrepreneur) – Training e-Commerce Platform	Building Capabilities and Providing Jobs Through Competencies/ Short Courses Programme		
 East Coast Economic Region Development Council (ECER) <i>(https://www.ecerc.com.my/penjana/Website/Index.html)</i>	ETEP Enhanced Train & Place (PENJANA)				
 Northern Corridor Implementation Authority (NCIA) <i>(https://www.ncer.com.my/jomkerja_jomniaga/)</i>	JomNiaga@ NCER	JomKerja@ NCER			
 Kementerian Pelancongan, Seni dan Budaya Malaysia (MOTAC) <i>(http://www.motac.gov.my/)</i>	Pembangunan Kemahiran Komuniti				
 Kementerian Pengajian Tinggi (KPT) <i>(https://great.mohe.gov.my)</i>	Program Ekonomi Gig	Program Keusahawanan			

Kerajaan melalui pelbagai Kementerian dan Agensi Kerajaan akan meneruskan usaha latihan dan peningkatan kemahiran bagi tahun 2022 dengan **peruntukan keseluruhan berjumlah RM1.1 bilion** yang menyasarkan **220 ribu peluang pekerjaan**. Antara inisiatif yang akan dilaksanakan adalah seperti berikut:

Latihan dan Peningkatan Kemahiran	Agensi	Sasaran
HRDC	HRDC	36,000
Koridor Wilayah	Koridor	16,000
PRUV-ATM	PERHEBAT	5,000
SLDN Plus	JPK	10,000
KPT-CAP	KPT	20,000
KPR-PACE	KPT	45,000
TVET Training	JPPKK	25,000
MITI Reskilling	MITI	24,000
MDEC	MDEC	12,000
Upskilling for DeepTech and Future Skills	MOSTI	5,000
Peneraju Skill dan Peneraju Teknologi	JPM	3,000
Pusat Pembangunan Kemahiran Negeri	FMSDC	5,000
PERKASA TVET	PTPK	13,000
Program Inkubator Graduan Kreatif	MyCreative Ventures	1,000
	JUMLAH	220,000

Kementerian Kewangan dan Kementerian Sumber Manusia juga telah diberi tanggungjawab menyediakan 'single window' bagi memastikan program latihan dan peningkatan kemahiran yang dijalankan pelbagai kementerian dan agensi dilaksanakan dengan efektif dan optimum. Untuk maklumat lanjut berhubung Program Latihan dan Peningkatan Latihan yang disediakan oleh Kerajaan, sila layari laman sesawang UpSkillMalaysia di <https://upskillmalaysia.gov.my/>

CAREER ADVANCEMENT PROGRAMME (KPT-CAP)

Kerajaan melalui Kementerian Pengajian Tinggi telah memperuntukkan sebanyak RM100 juta bagi menjayakan program KPT-CAP (Career Advancement Programme) atau Program Peningkatan Kerjaya sebagai usaha untuk menangani isu graduan menganggur. Program peningkatan kemahiran ini adalah hasil kerjasama pelbagai Kementerian, Agensi serta pihak industri bagi melahirkan graduan berketerampilan untuk memenuhi pasaran kerja yang bersesuaian.

Program ini dilaksanakan melalui 3 aliran utama iaitu Place and Train, Latihan Keusahawanan serta latihan penyediaan bagi Ekonomi Gig. Place and Train ialah program latihan kompetensi bersasar kepada peserta sebelum memulakan pekerjaan yang ditawarkan oleh industri manakala Latihan Keusahawanan menyasarkan penubuhan syarikat pemula dari kalangan graduan. Peserta yang turut menyertai latihan keusahawanan turut berupaya mendapatkan bantuan pembiayaan kewangan daripada institusi perbankan dan agensi Kerajaan seperti Majlis Amanah Rakyat (MARA), TEKUN Nasional, Amanah Ikhtiar Malaysia dan sebagainya. Aliran terakhir adalah Ekonomi Gig iaitu program latihan kompetensi yang mampu membantu peserta untuk menjana pendapatan melalui ekonomi Gig atau aktiviti berbentuk freelancing.

Graduan yang turut menyertai program ini akan dibiayai sepenuhnya untuk menjalani satu daripada tiga sub program yang bernilai sehingga RM5,000 untuk setiap peserta. Tambahan pula, setiap permohonan akan ditapis melalui sistem Single Window, Single Offer di mana latihan yang ditawarkan adalah bergantung kepada jurusan yang diambil semasa di universiti. Peserta yang terlibat akan dijamin pekerjaan untuk tempoh masa antara 6 hingga 12 bulan dengan gaji yang ditetapkan sekitar RM2,000 hingga RM2,500. Pada tahun lepas, sebanyak **19,266 graduan** telah mendapat peluang pekerjaan melalui program KPT-CAP.

Dalam usaha Kerajaan untuk menangani isu graduan menganggur, Kerajaan akan meneruskan inisiatif KPT-CAP dengan sasaran untuk menawarkan 20,000 peluang pekerjaan kepada golongan graduan bagi tahun 2022. **Setakat 30 Jun 2022**, KPT-CAP telah berjaya menempatkan **3,618 graduan** bagi tahun pada tahun ini. Untuk maklumat lanjut, sila layari <https://great.mohe.gov.my/>


SKIM PERANTISAN NASIONAL

Skim Perantisan Nasional (SPN) adalah sebuah skim perantisan yang dilaksanakan di bawah Kementerian Belia dan Sukan dengan kerjasama kementerian-kementerian lain seperti Kementerian Kerja Raya dan Kementerian Sumber Manusia serta Agensi-agensi persekutuan di bawah ketiga-tiga kementerian tersebut.

Skim yang berkonsepkan “*Place and Train*” ini memberi jaminan peluang pekerjaan kepada belia sebagai perantis di pelbagai syarikat dan organisasi yang terlibat. SPN juga menyediakan sistem sokongan dengan memberi pengalaman kepada belia serta meningkatkan pengetahuan dan kemahiran golongan belia melalui latihan soft-skill dan on-the-job training. Melalui SPN, para belia bakal dilatih bagi meningkatkan kebolehpasaran, memperoleh peluang untuk diserap terus dalam pekerjaan dan memperoleh pendapatan. Pada tahun lepas, seramai **14,990 warga belia** telah berjaya mendapat peluang pekerjaan melalui SPN. Pada tahun ini **setakat 16 Jun 2022**, seramai **3,625 belia** telah pun berjaya ditempatkan dengan menggunakan Insentif Penggajian JaminKerja PERKESO khusus buat golongan perantis. Untuk maklumat lanjut, sila layari <http://perantisan.kbs.gov.my/kriteria.php>

MYDIGITALWORKFORCE IN TECH (MYWiT)

Sejajar dengan program celik digital dan peningkatan kemahiran, Kerajaan dengan kerjasama Malaysia Digital Economy Corporation (MDEC) telah memperkenalkan inisiatif MyDigitalWorkforce in Tech (MYWiT) untuk menambahbaik kemahiran dan keupayaan pekerja Malaysia dengan menggalakkan syarikat untuk mengambil pekerja Malaysia bagi pekerjaan teknologi dan perkhidmatan digital melalui insentif gaji dan subsidi kursus latihan. Insentif yang disediakan adalah subsidi sebanyak 40% daripada gaji bulanan selama 6 bulan, terhad kepada gaji minimum sebanyak RM2,000 dengan insentif maksimum sebanyak RM2,600 sebulan manakala subsidi kursus latihan yang ditawarkan adalah sehingga RM8,000 seorang. **Setakat 16 Jun 2022**, program MYWiT ini telah mendapat sebanyak **3,805 permohonan** dan daripada jumlah tersebut, seramai **1,005 peserta** telah pun berjaya ditempatkan dalam pekerjaan teknologi dan perkhidmatan digital. Untuk maklumat lanjut, sila layari pautan <https://mdec.my/ms/mywit/>



*Jumlah kumulatif

PROGRAM USAHAWAN LEPASAN INSTITUSI PENDIDIKAN MARA/ BELIA

Dalam menyokong usaha kerajaan dalam melahirkan lebih banyak usahawan kecil dinamik dari generasi muda, Majlis Amanah Rakyat (MARA) menyediakan kemudahan pembiayaan dengan kadar keuntungan sebanyak 0% kepada perniagaan mikro bagi semua sektor seperti peruncitan, perkhidmatan keculi sektor pertanian dan penternakan. Kemudahan ini disediakan khusus bagi golongan belia yang telah menjalankan perniagaan tidak kurang dari tiga (3) bulan dan telah mengikuti latihan industri atau program inkubator di Institusi Pendidikan MARA (IPMa) manakala had pembiayaan yang disediakan adalah sebanyak RM10,000 dengan tempoh pembiayaan sehingga 3 tahun. **Setakat 10 Jun 2022**, sebanyak **RM3.46 juta** telah diluluskan bagi **395 usahawan baharu**. Untuk maklumat lanjut, sila layari https://www.mara.gov.my/bm/menu_keusahawanan/kemudahan-sokongan/pembiayaan-perniagaan/putra/#tab-id-1

PROGRAM PEMBANGUNAN USAHAWAN TEKNIKAL (PU TEK)

Bagi mewujudkan usahawan baharu dalam bidang teknikal yang berasaskan kepada kemahiran yang dimiliki, MARA juga menyediakan kemudahan pembiayaan dengan **kadar keuntungan sebanyak 0%** bagi usahawan yang mempunyai Ijazah/ Diploma atau Sijil Kemahiran Teknikal daripada Institusi Pendidikan MARA yang telah menjalankan perniagaan sepenuh masa tidak kurang dari enam (6) bulan dan tidak melebihi lima (5) tahun. Skop pembiayaan yang disediakan sehingga RM500,000 adalah untuk pembelian mesin dan peralatan manakala modal pusingan yang disediakan bagi usahawan muda adalah 60% pembiayaan dengan 40% geran (sekiranya bayaran adalah baik). **Setakat 10 Jun 2022**, sebanyak **RM2.443 juta** telah disalurkan kepada **31 usahawan teknikal MARA**. Untuk maklumat lanjut, sila layari https://www.mara.gov.my/bm/menu_keusahawanan/kemudahan-sokongan/pembiayaan-perniagaan/putek/#tab-id-7


SKIM PEMBIAYAAN PERNIAGAAN KHAS WANITA (DanaNITA)

Kerajaan telah memperuntukkan dana pembiayaan sebanyak RM230 juta antaranya melalui program Skim Pembiayaan Perniagaan Khas Wanita (DanaNITA) di bawah Majlis Amanah Rakyat (MARA) dan TEKUNITA menerusi Tekun Nasional bagi membantu usahawan Wanita yang terkesan akibat COVID-19 selain meningkatkan kapasiti perniagaan mereka. Bagi MARA, DanaNITA menyediakan pembiayaan bagi modal pusingan mahupun pembelian mesin dan peralatan sehingga RM150,000.00 dengan kadar sebanyak 3.5%. **Setakat 30 Jun 2022**, sebanyak **RM10 juta** telah pun diluluskan bagi membantu **265 usahawan wanita**. Untuk maklumat lanjut, sila layari

https://www.mara.gov.my/bm/menu_keusahawanan/kemudahan-sokongan/pembiayaan-perniagaan/dananita/

SKIM JAMINAN PRIHATIN DANAJAMIN (DPGS)

Skim Jaminan Prihatin DanaJamin (DPGS) yang diperkenalkan oleh Kerajaan di bawah Pakej Rangsangan Ekonomi Prihatin (PRIHATIN) menyediakan kemudahan skim jaminan berjumlah RM50 bilion dengan jaminan sehingga 80% daripada jumlah pinjaman bagi tujuan membiayai modal kerja. Skim ini disasarkan kepada perniagaan yang berdaya maju dalam semua sektor yang menghadapi kesukaran akibat penularan wabak COVID-19. Di bawah Belanjawan 2021, program ini turut dilanjutkan di mana syarat-syaratnya turut ditambah baik. **Setakat 1 Julai 2022**, sebanyak 92 syarikat telah memohon untuk DPGS di mana jumlah jaminan yang telah diluluskan adalah sebanyak **RM2.080 bilion** bagi **61 buah syarikat**. Untuk maklumat lanjut, sila layari <http://belanjawan2021.treasury.gov.my/manfaat/index.php/bm/dpgs>



*Jumlah kumulatif

- i) Malayan Banking Berhad;
- ii) CIMB Bank Berhad;
- iii) OCBC Bank (Malaysia) Berhad;
- iv) Alliance Bank Malaysia Berhad;
- v) AmBank (M) Berhad;
- vi) Hong Leong Bank Berhad;
- vii) United Overseas Bank (Malaysia) Bhd;
- viii) Affin Bank Bhd/ Affin Hwang Investment Bank Berhad;
- ix) RHB Bank Berhad;
- x) Bangkok Bank Berhad; dan
- xi) MIDF Amanah Investment Bank Bhd.

Kerajaan melalui Bank Negara Malaysia (BNM) juga telah menyediakan kemudahan pembiayaan tambahan atau yang ditambah baik bagi memberikan bantuan dan menyokong pemulihan PKS sebanyak RM4.5 bilion. Penambahan ini meningkatkan jumlah dana yang tersedia pada pertengahan bulan September 2021 kepada RM11.2 bilion. Kemudahan yang tersedia adalah seperti berikut:

KEMUDAHAN BANTUAN DAN PEMULIHAN BERSASAR (TRRF)

Kemudahan pinjaman bernilai RM6 bilion ini ditambah sebanyak RM2 bilion kepada RM8 bilion bagi membantu PKS yang terjejas dalam sektor perkhidmatan. Kini di bawah TRRF yang dipertingkatkan, PKS boleh menggunakan hingga 30% daripada pembiayaan yang diluluskan untuk membayar balik pembiayaan perniagaan sedia ada (iaitu pembiayaan semula). Saiz pembiayaan yang ditawarkan adalah sehingga RM500,000 bagi setiap PKS manakala RM75,000 bagi perusahaan mikro dengan kadar faedah sehingga 3.5% setahun termasuk fi jaminan. Tempoh bayaran balik pembiayaan ini adalah sehingga 7 tahun beserta moratorium sekurang-kurangnya selama 6 bulan. **Setakat 17 Jun 2022**, terdapat **36,034 jumlah permohonan** di mana **RM6.002 bilion** telah berjaya disalurkan kepada **25,470 PKS**.

Kemudahan yang ditawarkan pada kadar sehingga 3.5% setahun ini tersedia melalui institusi kewangan peserta, dengan perlindungan jaminan oleh Credit Guarantee Corporation (CGC) atau Syarikat Jaminan Pembiayaan Perniagaan (SJPP). Kemudahan ini tersedia hingga 30 Jun 2022 atau setelah peruntukan digunakan sepenuhnya.

KEMUDAHAN PERTANIAN PEMAKANAN (AF)

Seperti yang diumumkan dalam pembentangan Bajet 2022, Kerajaan akan terus memacu pemodenan sektor pertanian dalam usaha untuk meningkatkan jaminan dan keselamatan makanan serta menjana pendapatan lebih tinggi dan menarik lebih ramai generasi muda agropreneur. Sehubungan dengan itu, Kemudahan Pertanian Pemakanan (AF) yang disediakan oleh BNM turut ditambah sebanyak RM500 juta menjadikan jumlah peruntukan keseluruhan sebanyak RM2 bilion bagi menyediakan akses pembiayaan kepada PKS untuk meningkatkan pengeluaran agromakanan negara dan untuk eksport. Kemudahan yang disediakan bagi perbelanjaan modal, pembangunan projek agromakanan dan modal kerja dengan had pembiayaan sebanyak RM5 juta ini ditawarkan pada kadar sehingga 3.75% setahun bersama tempoh pembiayaan sehingga 8 tahun. **Setakat 17 Jun 2022**, terdapat **3,020 permohonan** di mana **2,268 permohonan** telah berjaya diluluskan bernilai **RM1.784 bilion**. Untuk maklumat lanjut, sila layari <https://www.bnm.gov.my/covid19>

SKIM PEMBANGUNAN USAHAWAN MASYARAKAT INDIA (SPUMI)

Skim Pembangunan Usahawan Masyarakat India (SPUMI) adalah satu inisiatif strategik Kerajaan di bawah TEKUN untuk membantu masyarakat India mempertingkatkan ekonomi menerusi penglibatan dalam bidang perniagaan dan keusahawanan. Bagi masyarakat India yang ingin menceburkan diri dalam bidang perniagaan dan keusahawanan serta mereka yang ingin memajukan lagi perniagaan sedia ada, nilai pembiayaan yang disalurkan adalah dari RM1,000 sehingga RM100,000 bagi setiap usahawan mengikut kelayakan. Tempoh bayaran balik pembiayaan adalah sehingga 120 bulan (10 tahun) pada kadar 4% setahun. Program ini telah diberi peruntukan sebanyak RM20 juta, di mana RM5 juta adalah daripada Belanjawan 2021 manakala penambahan sebanyak RM15 juta adalah daripada Pakej PERMAI dan kini, diteruskan bagi tahun baharu 2022. Bagi tahun ini sahaja **setakat 24 Jun 2022, RM21.72 juta** telah berjaya disalurkan kepada **919 PKS Mikro**. Untuk maklumat lanjut, sila layari <https://www.tekun.gov.my/ms/usahawan-tekun/skim-pembangunan-usahawan-masyarakat-india-spumi-2/>

PROGRAM PEMBANGUNAN USAHAWAN PROFESIONAL (ProSPEC)

Program Pembangunan Usahawan Profesional (ProSPEC) yang diperkenalkan oleh MARA kini memberi peluang kepada golongan profesional seperti doktor untuk menceburi bidang keusahawanan dan memahami selok-belok perniagaan berdasarkan kepakaran dimiliki mereka. Skim pembiayaan ini menyediakan pembiayaan kepada golongan profesional yang diiktiraf dan berdaftar sebagai ahli badan profesional yang berkenaan dengan had pembiayaan sehingga RM500,000 bagi modal pusingan, pembelian mesin, peralatan mahupun ubah suai premis perniagaan. **Setakat 17 Jun 2022**, sebanyak **RM3.1 juta** telah diluluskan bagi **10 ahli profesional** untuk menceburi bidang keusahawanan. Pemohon haruslah mempunyai pengalaman bekerja dalam bidang profesional yang berkaitan mengikut tempoh dan kriteria tertentu yang ditetapkan oleh MARA. Untuk maklumat lanjut, sila layari https://www.mara.gov.my/bm/menu_keusahawanan/kemudahan-sokongan/pembiayaan-perniagaan/prospec/


PEMBIAYAAN SEKTOR PELANCONGAN PENJANA (PENJANA TOURISM FINANCING)

Kerajaan memperuntukkan sebanyak RM600 juta bagi PKS dan PKS Mikro yang masih terkesan dengan penularan COVID-19. **Setakat 17 Jun 2022**, terdapat **780 permohonan** bagi pembiayaan ini, dan daripada jumlah ini sebanyak **409 permohonan** telah diluluskan dengan jumlah pembiayaan sebanyak **RM84.00 juta**. Untuk maklumat lanjut, sila layari https://www.bnm.gov.my/documents/20124/2294076/FAQ%20PENJANA%20Tourism%20Ofinancing_BM.pdf

Maklumat Tambahan Daripada BNM:

RM400 juta daripada dana asal RM1 bilion diperuntukkan semula bagi:


- Penubuhan Kemudahan Bantuan Bencana (DRF) untuk mengurangkan beban kewangan dan memulihkan operasi perniagaan PKS yang terjejas akibat banjir; dan
- Kemudahan Automasi Digital PKS (ADF) untuk memberi insentif kepada PKS untuk mengautomasikan proses dan mendigitalkan operasi untuk meningkatkan produktiviti dan kecekapan.



*Jumlah kumulatif

SOKONGAN PENGGUNAAN TEKNIKAL DAN DIGITAL BAGI PKS DAN SYARIKAT DI PERINGKAT PERTENGAHAN (MTC)

Di bawah Pelan Jana Semula Ekonomi Negara (PENJANA), Kerajaan juga telah memperuntukkan sebanyak RM700 juta bagi membantu dan menggalak PKS dan MTC ke arah pendigitalan operasi dan saluran perdagangan. **Setakat 1 Julai 2022**, sejumlah **RM92.9 juta** telah disalurkan kepada **13,893 perniagaan** dalam bentuk geran dan pinjaman untuk langganan perkhidmatan digitalisasi.



*Jumlah kumulatif

PAKEJ PERJALANAN MY50

Kerajaan melalui Prasarana Malaysia Berhad (PRASARANA) telah memperuntukkan sebanyak RM115 juta sebagai pembayaran subsidi untuk menampung kos ditanggung PRASARANA dalam menyediakan inisiatif pas perjalanan tanpa had yang mengurangkan tambang biasa RM200 kepada RM50 sebulan. Pas perjalanan tanpa had yang terbuka kepada semua warganegara Malaysia ini boleh digunakan untuk perkhidmatan rel dan bas kendalian PRASARANA di Lembah Klang dan di Pulau Pinang. Pembelian My50 ini boleh dibuat di semua Pejabat Khidmat Pelanggan Rapid KL yang terletak di semua stesen LRT, MRT, Monorel, BRT dan Hab Bas Rapid KL serta Kiosk Rapid Penang yang tertentu. Untuk maklumat lanjut berhubung pas perjalanan tanpa had ini, sila layari


<https://myrapid.com.my/ms/resources/faqs/>

PROGRAM SUSTAINABILITY ACHIEVED VIA ENERGY EFFICIENCY (SAVE 3.0)

SAVE 3.0 merupakan sebuah program di bawah Sustainable Energy Development Authority (SEDA) yang menyediakan rebat sehingga RM400 bagi pembelian mana-mana peralatan rumah berlabel cekap tenaga 4 atau 5 bintang oleh Suruhanjaya Tenaga (ST) pada tahun 2022. Objektif utama program ini adalah untuk meningkatkan kesedaran orang ramai tentang faedah dan amalan penggunaan kelengkapan cekap tenaga mahupun mengurangkan pelepasan gas rumah hijau akibat penjimatan penggunaan tenaga. Untuk maklumat lanjut, sila layari pautan agensi SEDA di <http://www.seda.gov.my/saveprogram/>

SOKONGAN BAGI SEKTOR SENI, BUDAYA DAN HIBURAN

Bagi Inisiatif Pemulihan CENDANA, Kerajaan telah memperuntukkan sebanyak RM10 juta yang dijangka akan memanfaatkan 3,000 penerima daripada kalangan seniman dan organisasi di dalam sektor seni dan budaya Malaysia. Penerima akan menerima saiz geran yang berbeza bergantung kepada permohonan dan program yang disasarkan. **Setakat 1 Julai 2022**, terdapat **1,582 permohonan** jumlah permohonan bagi inisiatif ini di mana sebanyak **RM7.41 juta** telah disalurkan kepada **590 pemohon**. Para penggiat industri kreatif adalah disaran untuk menggunakan peluang kemudahan yang disediakan dan boleh memohon bantuan dari kedua-dua agensi berkaitan dengan melayari www.mycreative.com.my/penjana dan www.cendana.com.my untuk maklumat lanjut.



*Jumlah kumulatif